

Lingua serba

Dâ Wikipedia, la nciclipidìa libbira.

La **lingua serba** (ntô serbu: **српски језик** o **srpski jezik** siddu scriutu cu l'alfabbetu latinu) è una dî virsiuna standard dû diasistema slàvicu centru-miridiunali, pricidintimenti (*e assai friquintimenti ancora chiamatu*) serbo-croatu e basatu supra lu dialettu štokaviano. Lu serbu è usatu supratuttu ntâ Serbia e Montenegr e ntâ *Republika Srpska* (ntâ Bosnia-Erzegovina).

La lingua serba havi na carattirìstica abbastanza rara, pâ quasi li palori sunnu scriuti quasi comu sunnu detti, zoè ogni littra rappresenta un sonu diffirenti. Chistu princìpiu funèticu è rappresintatu dû dettu: "Scrivi comu parri e leggi comu è scriutu", lu princìpiu usatu di Vuk Stefanović Karadžić quannnu riformàu l'alfabbetu cirillicu serbu ntô sèculu XIX.



N'àutra rara carattirìstica dâ lingua serba è la prisinza di dui alfabetti: l'alfabbetu cirillicu e l'alfabbetu latinu. Li dui alfabetti sunnu quasi equivalenti; la sula diffirenza sunnu li glifi utilizzati. Chistu finòminu arrivàu pi raggiuna stùrichi, picchè na parti dâ pupulazzioni parranti serbu fu sottâ nfluenza (muderna) occidentali di l'Austria-Unghirìa e lu restu sottâ nfluenza (antica) orientali dû Mperu bizzantinu; tutti li pirsuni cu n'aducazzioni sunnu familiari ê dui alfabetti.

Ìndici

Arfabbeti

Littri

Demografia

Trivia

Vucabbulariu

Autri pruggetti

Lijami sterni

Arfabbeti

Ccà sutta, li diffirenzi ntra lu **српска ћирилица** (*srpska ćirilica*) (*alfabbeto cirillicu serbu*) o **азбука** (*azbuka*) cû **srpska latinica** (*alfabbetu latinu serbu*) o **Abeceda**.

Cirillicu	Latinu		Cirillicu	Latinu

<u>A</u>	<u>A</u>		<u>H</u>	<u>N</u>
<u>Б</u>	<u>B</u>		<u>Њ</u>	<u>Nj</u>
<u>B</u>	<u>V</u>		<u>O</u>	<u>O</u>
<u>Г</u>	<u>G</u>		<u>П</u>	<u>P</u>
<u>Д</u>	<u>D</u>		<u>Р</u>	<u>R</u>
<u>Ђ</u>	<u>Đ</u>		<u>С</u>	<u>S</u>
<u>Е</u>	<u>E</u>		<u>Т</u>	<u>T</u>
<u>Ж</u>	<u>Ž</u>		<u>Ћ</u>	<u>Ć</u>
<u>З</u>	<u>Z</u>		<u>У</u>	<u>U</u>
<u>И</u>	<u>I</u>		<u>Ф</u>	<u>F</u>
<u>Ј</u>	<u>J</u>		<u>Х</u>	<u>H</u>
<u>К</u>	<u>K</u>		<u>Ц</u>	<u>C</u>
<u>Л</u>	<u>L</u>		<u>Ч</u>	<u>Č</u>
<u>Љ</u>	<u>Lj</u>		<u>Џ</u>	<u>Dž</u>
<u>М</u>	<u>M</u>		<u>Ш</u>	<u>Š</u>

Littri

- Li littri **Lj**, **Nj** e **Dž** si rappresìntanu ntâ l'alfabbetu latinu cu dui littri. Sparti la littra **Đ** ca quarchi vota si scrivi comu **Dj**.
- L'òrdini dî dui alfabeti è diversa:
- |Ćirilica:||A||B||B||Г||Д||Ђ||Е||Ж||З||И||Ј||К||Л||Љ||М||Н||Њ||О||П||Р||С||Т||Ћ||У||Ф||Х||Ц||Ч||Џ||Ш
- |Latinica:||A||B||V||G||D||Đ||E||Ž||Z||I||J||K||L||LJ||M||N||NJ||O||P||R||S||T||Ć||U||F||H||C||Č||DŽ||Š
- Assai imeil e macari documenti web scritti ntô serbu ùsanu lu basic ASCII, unni li littri serbi latini ca ùsanu li diacritici (Ž Ć Č Š) si càncianu chî formi basi assenza diacritici (Z C C S). Li palori urigginali sunnu poi arricanusciuti dû cuntestu. Nun è un alfabbetu ufficiali, e è cunsidirata na cattiva pràtica, ma cci sunnu arcuni documenti ntô serbu ca ùsanu chistu alfabbetu simprificatu. Chista pràtica è cumuni ntra li àutri lingui ca ùsanu littri chî diacritici.

Demografia

Distribuzioni dî lucutura a secunna dî stati:

- Serbia e Montenegro: 7,170,000
 - Serbia: 6,770,000
 - Vojvodina: 1,557,020 (2002)
 - Serbia Cintrali: 5,063,679 (2002)
 - Kòssuvu: 150,000
 - Montenegro: 401,382 (2003)
- Bosnia-Erzegovina: 1,500,000

- USA: circa 500,000
- Croazzia: 44,629 (*2001*)
- Ripùbblica di Macedonia: 33,315 (*2001*)
- Rumanìa: 20,377 (*2001*)
- Australia: 50,000 (*2001*)

Trivia

Dui palori serbi ca sunnu diffusi ntê lingui di tuttu lu munnu sunnu *vampiru* e *slivovitz*.

Vucabbulariu

- **Serbu**: *српски, srpski*
- **Ciau, Salve**: *здрaво, zdravo*
- **Salutamu**: *до виђења, do viđenja*
- **Grazzi**: *хвала, hvala*
- **Pi fauri**: *молим, molim*
- **Comu stai?**: *Како си?, Kako si?*
- **Comu sta?**: *Како сте?, Kako ste?*
- **Bonu**: *добро, dobro*
- **Sì**: *да, da*
- **No**: *не, ne*
- **Capisciu**: *разумем, razumem*
- **Nun capisciu**: *не разумем, ne razumem*

Autri pruggetti

-  **Wikipedia** hava n'edizzioni 'n lingua serba

Lijami sterni

- Scuola serba - Mparari lu Serbu (<http://www.serbianschool.com>)
- [backabanat.com](http://www.backabanat.com) - La prima scola serba a Becej (ntâ lingua serba) (<http://www.backabanat.com>)

Estrattu di "https://scn.wikipedia.org/w/index.php?title=Lingua_serba&oldid=704903"

Sta pàggina fu canciata a 16:47 di lu 9 maiu 2015.

Stu testu è dispunìbbili sutta â Licenza Creative Commons Attribuzzioni/Spartuta dâ stissa manera; si ponnu applicari àutri cunnizzioni. Talìa li Cunnizzioni d'Usu pi li dittagghî.